



## Die Heilige Gees en die Hervormde Kerk

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Die opvatting bestaan soms dat die Heilige Gees in die Hervormde Kerk nie dieselfde aandag kry as by ander kerklike denominasies nie. Die rede hiervoor is waarskynlik dat die Hervormde Kerk nie soos die NG Kerk byvoorbeeld Pinksterdienste en Pinksterbyeenkomste hou nie, ofskoon daar op die kerklike kalender vir 'n *Pinkstersondag* ruimte geskep word. Die gedagte is dat al die eredienselemente van die bepaalde diens die wonderlike teenwoordigheid en leiding van die Heilige Gees in die kerk en in die harte van gelowiges vier.**

Hoe beskou die Hervormde Kerk die Heilige Gees? Ons fundamentele uitgangspunt was nog altyd dat 'n lewe in Christus tegelyk ook 'n lewe in die Gees is. Dit vind ook volledig neerslag in ons eredienste omdat ons altyd oortuig was van 'n *ekumeniese spiritualiteit*: naamlik dat die volle hoogte en diepte van die liefde van Christus slegs in die gemeenskap met die heiliges ondervind kan word.

Ons bely dat die Heilige Gees die Goddelike aanwesigheid is, wat ons aanspreek. Dit is die roepstem van God wat tot ons kom. Daarom word die Heilige Gees deur ons ook as God bely. Wanneer Jesus as God se verskyning nie meer by sy dissipels is nie, kom die Heilige Gees om hulle te vertroos. Die Heilige Gees is nou die Goddelike teenwoordigheid wat ons lewens van sinloosheid bevry en in wie ons die ewige lewe ontvang.

Omdat die Hervormde Kerk laasgenoemde altyd van harte geglo en bely het, word daar in die opleiding van predikante groot erns met spiritualiteitsvorming gemaak. Die oortuiging was nog altyd dat die totale aksent nie net op 'n *kennisfunksie* en *doenfunksie* geplaas kan word nie, maar ook op 'n *weesfunksie* met die oog op die kweek van 'n egte Bybelse spiritualiteit.

In die voorbereiding van 'n preek word ruim geleentheid gegun vir *meditasie*. Biddend en nederig word, na deeglike eksegeese, geluister na hoe die Heilige Gees, die Outeur van die Skrif, die heerlike waarhede van 'n Bybelteks in die hart en gedagtes van die prediker plaas. Dan word in die *epiklesegebed* gebid dat die Gees van God sal kom en die woorde van die prediker so sal vorm en rig dat dit self ook Woord van God word. Elke prediker sal kan getuig van die wonderlikheid van 'n luisterstilte en gewydheid wat tydens die prediking byna tasbaar is.

So, in die Hervormde Kerk sal jy waarskynlik nie kerkgangers sien staan met uitgestrekte hande en met uitroepe van "Amen" tydens preke of die sing van liedere nie, maar die werking en belewing van die Heilige Gees is beslis in sy volle krag teenwoordig en werksaam vir mense wat weet dat kennis met verwondering begin en met verwondering eindig. Dat ons leringe met stilte begin en tot stilte lei. Dat teologie met swye begin en met swye eindig. Mense wat weet dat wie oor God wil praat, eers baie deeglik na God se Woord moet kan luister, stil moet kan word, en moet bid. Hoe kan ons hierdie insig hê anders as dat God se Gees, waarvoor ons in kleinheid en in afhanklikheid wag, dit aan ons openbaar?

Ook in die Hervormde Kerk is ons dankbaar dat die wonderlike waarheid van Galasiërs 4: 6 (AFR1983) ook van die gelowiges van die Hervormde Kerk geld: *En omdat ons sy kinders is, het God die Gees van sy Seun in ons harte gestuur...*

## Lief en leed

- **Mev Elsa Swanepoel** (91), weduwee van ds Fanie (wat op 4 Mei vanjaar oorlede is), is verlede week in die Harthospitaal in Pretoria opgeneem, klaarblyklik na 'n hartaanval. Sy is Maandagmiddag 7 Augustus oorlede. Daar is nog nie besonderhede oor die roudiens beskikbaar nie. Ons innige simpatie gaan aan mev Swanepoel se naasbestaendes.
  - Gemeente Van Warmelo in Alldays het **prop Hanri Reichel** op 23 Julie as predikant in die gemeente georden en bevestig. Na 'n periode van 11 maande sonder 'n predikant is daar op dié dag behoorlik feesgevier. Die gemeente sê: *Ons dank gaan aan God Drie-enig dat Hy haar vir ons gestuur het.* **Op die foto** is ds Henk en Trudie Joubert saam met ds Hanri en Coenraad Reichel.
- 

- **Die volgende predikante verjaar tot 18 Augustus, en word hartlik geluk gewens:**

- Donderdag 10 Augustus: Di J (Johan) Ayres (64) (Germiston) en D (Denise) Schmidt (51) (Jeffreysbaai/Port Elizabeth)
- Sondag 13 Augustus: Ds JMJ (Jan) de Wet (77) (emeritus)
- Vrydag 18 Augustus: Dr GMJ (Gafie) van Wyk (65) (Kaapstad)

## Gemeentes en bediening

- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedt ([karen@nhk.co.za](mailto:karen@nhk.co.za)) asseblief **teen 28 Augustus** bereik **vir 7 en 8 September** se Kommissievergadering. **Geen laat sake** sal in die agenda opgeneem word nie.
- Baie geluk aan **Delmas**, wat bekroon is as Kwêla se **Dorp van die Jaar**. **Dr Martin Jansen van Rensburg**, predikant in Gemeente Delmas en projekteier van die organisasie Delmas Herleef, het op die voorblad van 4 Mei 2023 se *Blitspos* geskryf dat die meeste mense geskok was oor Delmas se nominasie. Hy het bygevoeg: *Dorp van die Jaar of nie, dit maak nie saak nie. Wat wel saak maak, is dat Delmas se inwoners die toekenning van "Inwoners van die Jaar" behoort te wen. Ons inwoners gee nie op nie. Ons sal aanhou om te doen wat reg is. Ons sal aanhou om te herstel en op te bou, om skoon te maak en te verf. Ons sal aanhou om hoop te gee en saam te bou aan 'n beter toekoms. Elke dorp en elke gemeente behoort deel te word van die opbou van die omgewing waar ons woon.* Lees gerus weer sy teks op die Kerk se webblad [www.nhka.org](http://www.nhka.org), en die berig oor hul bekroning by <https://maroelamedia.co.za/nuus/sa-nuus/plattelandse-dorp-skep-hoop-met-kwela-veldtog/>
- **Gemeente Philadelphia** het 'n vakature vir 'n **terreinbestuurder**. Belangstellendes kan 'n e-pos stuur aan dr Sanrie de Beer by [nhkphiladelphia@gmail.com](mailto:nhkphiladelphia@gmail.com).
- **Werkruimte vir deelydse bediening: Gemeentes Otjiwarongo/Outjo-kombinasie.** Die kombinasie Otjiwarongo/Outjo in Namibië beskik oor 'n vakante werkruimte vir 'n deelydse predikant. Unieke wetlike voorskrifte oor werkpermitte deur die Namibiese regering beperk die opsies wat die gemeentes kan uitoefen vir die bediening. In die lig daarvan is die ideale kandidaat vir die deelydse pos 'n geëmeriteerde predikant in die ouderdomsgroep 65 tot 68 jaar wat nog die energie en inisiatief het vir gemeentewerk vir 'n periode van twee tot vyf jaar. Die kombinasie sal aansoek doen vir 'n tydelike werkpermit vir twee jaar, wat herhaal sal word indien die persoon vir langer kan of wil bly. Die vergoedingspakket sluit in: 'n gemeubileerde pastorie in Otjiwarongo; 'n gemeentemotor plus brandstof; en 'n kontantvergoeding per maand. Skakel ds Barrie Oberholzer by +264811487465 vir verdere inligting en administratiewe reëlings soos vir 'n mediese fonds.
- **Werkruimte vir voltydse bediening: Gemeente Kempton.** Gemeente Kempton in die ring van Zuurfontein beskik oor 'n vakante werkruimte vir 'n voltydse predikant. Gemeente

Kempton is 50 jaar oud en die gemiddelde ouderdom van lidmate is 45 jaar. Die visie van die gemeente is om te groei. Daar sal voorkeur verleen word aan predikante met **ses jaar of minder diens**. Die gemeente beskik oor 'n ruim pastorie. Predikante wat belangstel om na die gemeente beroep te word, kan 'n verkorte CV stuur aan die skriba, oudl Celma Channing, by [celma.channing@gmail.com](mailto:celma.channing@gmail.com), voor **18 Augustus 2023**. Die kerkrad is nie verplig om een van die aansoekers te beroep nie en behou die reg voor om die lys van kandidate na die sluitingsdatum te verklein of te vergroot, en mag selfs ander kandidate nader. 'n Aanstellingsdatum sal met die suksesvolle kandidaat bespreek word.

- **Werkruimte: Samewerkende Gemeentes Boksburg en Witfield.** Aansoeke word ingewag van gelegitimeerde predikante van die NHKA om hierdie bedieningsruimte te vul. Die samewerkende gemeentes is Boksburg en Witfield aan die Oos-Rand, twee stadsgemeentes in die ring van Germiston. Boksburg het 'n sieletal van ongeveer 205, en Witfield 'n sieletal van ongeveer 78 wat meestal uit bejaarde lidmate bestaan. Die gemeentes se kerkgeboue is sowat 10 km uitmekaar en daar word elke Sondag op albei plekke 'n erediens gehou.

**Aard en omvang:** Van die predikant sal verwag word om die normale aktiwiteite van die gemeentes, soos prediking, kategetese, spesiale erediens en fondsinsamelings, te organiseer en te fasiliteer. Kontak met die lidmate, siekebesoek en huisbesoek is baie belangrik, en pligte soos in die Kerkorde moet uitgevoer word. Albei kerkrade verwag van die predikant om goed gefundeerde preke wat motiverend en leersaam is, aan te bied. Die predikant sal in albei gemeentes bevestig word.

**Vergoeding:** Die predikant sal aangestel word volgens kontrak vir 'n aanvanklike periode van 12 maande en sal vergoed word deur 'n enkele kontantbedrag wat R32 000 per maand sal beloop.

**Aansoeke:** Aansoeke **sluit op 28 Augustus 2023** en moet vergesel wees van 'n verkorte CV wat die kontakbesonderhede van twee referente insluit. Aansoeke word gestuur aan **beide** administratiewe beamptes van die gemeentes: Anneli Louw ([nhkwitfield@gmail.com](mailto:nhkwitfield@gmail.com)) en Bernadene du Preez ([nhkaboksburg@gmail.com](mailto:nhkaboksburg@gmail.com)).

**Diensaanvaarding:** So spoedig moontlik, maar onderhandelbaar. Die kerkrade behou die reg voor om die lys van kandidate na die sluitingsdatum te verklein of te vergroot en mag selfs ander kandidate nader. Indien nodig, sal die pos weer geadverteer word. Vir enige navrae, kontak Anneli Louw (084 627 7253) of Bernadene du Preez (079 883 8741).

## 'n Gedig

### vertroosting

hoe soet is dit  
as die aarde klein  
geword het van die reën  
'n druppelende blaas in sy dampkring  
geen skrik om my hart  
vir 'n ster wat verskiet  
of die maan wat skuif voor die son  
net die dorp en sy bome  
wit duiwe wat ruis  
bo die dakke  
en 'n wolk waar die horison moet wees

**Marlene van Niekerk**  
(Uit: *sprokkelster*, 1977)

## Vergaderings

- Maandag 14 Augustus: Plesion Direksie
- Donderdag 17 Augustus: Rata Finkom  
ADV Dagbestuur
- Vrydag 18 Augustus: Moderamen

## Kerklke en ander publikasies

- Die **2022-uitgawe (Jaargang 10)** van die *Tydskrif vir Hervormde Teologie (THT)* handel oor **Hervormde Kerkreg**. Die outeur is **dr Barry van Wyk** (emeritus/Warmbad). Die volledige pdf is op die Kerk se webblad beskikbaar, en die gedrukte boek kan teen R120 per eksemplaar (versending uitgesluit) bestel word van mev Sarie Roux by [boekwinkel@nhk.co.za](mailto:boekwinkel@nhk.co.za). Daar is ook nog eksemplare beskikbaar van die **2021-uitgawe (Jaargang 9)** oor **Skrifbeskouing**, waarvan **prof Wim Dreyer** die eindredakteur was, teen dieselfde prys.

**Boekwinkel-promosie**  
Beperkte voorraad

R80 R80 R80 R80 R60

Die **wonderwerke** van Jesus  
Die **aventure** van Paulus  
**4n Gogga** **VERSAMELING**

Bestel van mev Sarie Roux by [boekwinkel@nhk.co.za](mailto:boekwinkel@nhk.co.za)

**BOEKWINKEL-PROMOSIE**

**NOU SLEGS R250** **NOU SLEGS R30**

Beperkte voorraad

Bestel van mev Sarie Roux by [boekwinkel@nhk.co.za](mailto:boekwinkel@nhk.co.za)

## Toerusting

- Ouderlinge kan gerus die **Hervormde Teologiese Kollege (HTK)** se **webtuiste** besoek. Gaan na <https://hervormdeteologie.co.za/ouderlinge/> vir inligting oor **gevorderde toerusting vir ouderlinge**. Tans verskyn daar reeds YouTube-skakels, PowerPoint-aanbiedings en Word-dokumente van Module I – *Die fasilitering van 'n erediens (ds Hannes van der Merwe)*; Module II – *Hoe berei predikante preke voor (dr Gerhard Nel)*; en Module III – *Die aanbied van 'n preek (prof Yolanda Dreyer)*. **Prof Stephan de Beer** se aanbieding van 29 Mei, *Hoe om jou gemeenskap beter te verstaan*, is ook daar beskikbaar. Laasgenoemde kan ook direk by <https://youtu.be/TnQNNDxzmP4> afgelaai word. Module II – *Die kuns van goeie gesprekvoering (dr Johan Bester)* is beskikbaar by <https://youtu.be/VfUgoBXodwA>.

**Gevorderde toerusting vir ouderlinge**

**Module II – Basiese pastorale vaardighede**

Deel II – 14 Augustus om 19:00 (Zoom)  
Deel III – 28 Augustus – Siekebesoek en sterwensbegeleiding

**Aanbieder –  
Dr Annelie Botha**

<https://us02web.zoom.us/j/9427689935?pwd=d3d3KIN1cDU0a1plZCtjSS9ZSFY4dz09>  
Meeting ID: 942 768 9935  
Wagwoord SGB

**In gesprek met die Millienniers en ander generasies**

5de van 6 maandelikse gesprekke vir  
Predikante (VTI) en gemeentes

**22 Augustus 2023  
om 09:00 en 19:00**

Meeting ID: 942 768 9935  
Passcode: SGB



<https://us02web.zoom.us/j/9427689935?pwd=d3d3KIN1cDU0a1plZCtjSS9ZSFY4dz09>

- **Kerkargief-konferensie: Woensdag 23 Augustus 2023**  
**NGK Vrystaat in Bloemfontein**  
Oor enkele van ons kerkfamilie se mees historiese dokumente  
Ouditorium van Oorlogsmuseum in Bloemfontein  
R250 per persoon  
Met proff Erik de Boer, Dolf Britz, Johann Rossouw en Lindi Koorts  
Drr Jurie van Wyk, Gideon van der Watt, Francois Smith en ds Jan Lubbe  
Registreeer by Helena Smit 051 406 6725 / [argief@ngkvs.co.za](mailto:argief@ngkvs.co.za)  
Navrae: Ds Jan Lubbe 082 784 9362 / [janlubbe1964@gmail.com](mailto:janlubbe1964@gmail.com)
- **Excelsus Lentekonferensie: Lente in Bediening en Teologie**  
**19-21 September 2023**  
*As it is in heaven:* Kerkwees hier en nou  
By Universiteitsoord en UP  
30 VBO-punte  
Foi: R1 240 vóór 11 Augustus, daarna R1 380  
Emeriti en studente R690  
[excelsus@up.ac.za](mailto:excelsus@up.ac.za)  
[www.excelsus.org.za](http://www.excelsus.org.za)  
(Die Lentekonferensie is deel van Excelsus se program vir Voortgesette Bedieningsontwikkeling – VBO – en word in samewerking met die Hervormde Teologiese Kollege en die VBO-Forum van die NG Kerk aangebied.)

## Fondsinsamelings

- **Gemeente Swartkop: Gholfdag**  
**Vrydag 18 Augustus vanaf 10:00**  
Centurion-buitekлуб  
Bespreek by <https://paylogic.co.za/paylogic/pay.aspx?refno=Golf>  
Navrae: Lorna-Marie (083 399 5122) of Stephan (082 341 1438)



- Ondersteun **Rata Maatskaplike Dienste se Gholfdag** op **Dinsdag 22 Augustus 2023** ten bate van **kinderbeskerming**.
  - Pryse vir ons dapper spelers – erkenning word aan alle donateurs op ons webblad gegee.
  - Skryf 'n span in.
  - Borg 'n putjie.
  - Borg 'n sorgpakkie vir kinders of vir babas wat verwyder word uit haglike omstandighede en tydelik in veilige bewaring geplaas word.

Rata Maatskaplike Dienste is gebore uit die NHKA en werk deur die jare onverpoos voort om kinders uit moeilike omstandighede te red en aan hulle die nodige beskerming en statutêre dienste te bied, asook om die moeisame pad na heelwording saam met hulle te stap. Die koste daarvan is ongeveer R10 000 per jaar per kind. Rata help elke jaar meer as 1 000 kinders wat in omstandighede van mishandeling, verwaarlosing en selfs situasies van kinderhandel vasgevang is.

Stuur 'n WhatsApp na 064 437 5997 met die woord **Gholfdag** en u naam vir meer inligting.

- Daar is 'n **geleentheid vir 'n gemeente of individu** om by die nuwe **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag. Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by **072 737 3644**.
- **Oornagfasiliteite: Seniordal**. Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## Barmhartigheid

- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).
- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuur aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000  
Eenslaapkamer: R515 000  
1½-slaapkamer: R520 000  
Tweeslaapkamer: R560 000

Kontak Salomie Stolz by 012 329 4313 of 083 308 0520 vir meer inligting.

## Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.

## Betaalde advertensies in hierdie nuusbrieff

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede oor advertensies kan aangevra word van [produksie@nhk.co.za](mailto:produksie@nhk.co.za).

## Gebed vir die week

My Vader,  
soms voel dit asof die sorg van die dag  
net al hoe meer word,  
terwyl die seëninge so vinnig kwyn.  
My liggaam word so moeg,  
en my gees raak onstuimig.  
Help my, Heer.  
Gee my die krag wat U belowe het.  
Help my om die volgende tree te gee.  
Wees my genadig.  
Ek weet dat wanneer ek swak is,  
u krag geopenbaar word.  
Mag ek dit vandag ontvang.  
Amen.

Rachel Wojo, [pinterest.com](https://www.pinterest.com)

(Afrikaanse verwerking: Tessa Oppermann)